

KEMPEN “*PESO REMITTANCE SERVICES*”

TERMA DAN SYARAT

Kempen “*Peso Remittance Services*” (Kempen) ini dilancarkan oleh Public Bank Berhad (No. Pendaftaran Syarikat 196501000672 (6463-H)) (“PBB”) dan Public Islamic Bank Berhad (No. Pendaftaran Syarikat 197301001433 (14328-V)) (“PIBB”). Terma dan syarat di bawah (“Terma dan Syarat”) akan mengawal Kempen ini.

1. Tempoh Kempen

- 1.1 Kempen ini akan berlangsung dari **1 Julai 2025** hingga **31 Disember 2025**, termasuk kedua-dua tarikh atau tarikh lain seperti yang ditentukan oleh PBB dan PIBB dari semasa ke semasa (“Tempoh Kempen”).

2. Kelayakan

- 2.1 Peserta yang berikut layak untuk mengambil bahagian dalam Kempen ini (“Peserta yang Layak”):
 - a) individu berumur 18 tahun dan ke atas pada waktu penyertaan termasuk bukan pemastautin, kakitangan tetap atau kontrak PBB, PIBB dan Public Investment Bank Berhad; dan
 - b) bukan individu iaitu keempunyaan tunggal, perkongsian, entiti korporat, persatuan, kelab, sekolah dan pertubuhan.
- 2.2 Mereka yang berikut **TIDAK** layak untuk mengambil bahagian dalam Kempen ini:
 - a) individu yang tidak waras;
 - b) bukan individu dan individu yang diisytiharkan bankrap, menghadapi penggulungan atau mempunyai prosiding guaman dalam apa juga bentuk terhadap mereka; dan
 - c) bukan individu dan individu yang akaunnya dipegang dengan PBB dan/atau PIBB culas atau tidak disenggara dengan memuaskan seperti yang ditetapkan oleh PBB dan/atau PIBB.

3. Mekanisme Kempen

- 3.1 Semasa Tempoh Kempen, Peserta yang Layak yang mengirimkan wang dalam Peso Filipina (PHP) kepada mana-mana benefisiari di Filipina melalui **Perkhidmatan Kiriman PESO (“PRS”)** akan layak menerima **diskaun sebanyak 50% atas caj kabel** bagi urus niaga PRS tersebut. Butirannya dinyatakan dalam Perkara 3.3.
- 3.2 Kempen ini diterima pakai bagi urus niaga PRS yang dibuat di kaunter (“OTC”) di mana-mana cawangan PBB dan/atau PIBB di Malaysia sahaja.
- 3.3 Caj kabel bagi PRS adalah seperti yang berikut:

Amaun Urus Niaga	Tujuan	Caj Kabel* (selepas diskaun 50%)
Apa-apa Amaun	Tujuan Kiriman Pendidikan dan Pekerja	RM5
	Tujuan Lain	RM15

**Sekiranya caj kabel tertakluk pada Cukai Perkhidmatan, Cukai Perkhidmatan tersebut hendaklah ditanggung oleh Peserta yang Layak.*

Bagi mengelakkan keraguan, caj kabel yang dinyatakan di atas tidak termasuk apa-apa Cukai Perkhidmatan yang dikenakan.

- 3.4 Urus niaga yang dibuat melalui PRS tidak dilindungi oleh Perbadanan Insurans Deposit Malaysia.

4. Terma dan Syarat Am

- 4.1 Dengan mengambil bahagian dalam Kempen ini, Peserta yang Layak bersetuju untuk terikat dengan Terma dan Syarat ini dan terma dan syarat yang mengawal PRS (termasuk apa-apa pindaan, perubahan dan/atau semakan pada terma dan syarat tersebut). Sekiranya terdapat ketidakseragaman antara Terma dan Syarat ini dan terma dan syarat yang mengawal PRS, Terma dan Syarat ini akan diterima pakai bagi tujuan Kempen ini.

- 4.2 Peserta yang Layak mengakui dan bersetuju bahawa rekod urus niaga yang disenggara oleh PBB dan PIBB dan keputusan PBB dan PIBB berkaitan dengan apa-apa perkara mengenai Kempen ini adalah muktamad, konklusif dan mengikat ke atas Peserta yang Layak. PBB dan PIBB tidak akan melayani apa-apa rayuan atau surat-menyurat daripada mana-mana Peserta yang Layak dan/atau pihak ketiga berkaitan dengan apa-apa perkara mengenai Kempen ini.
- 4.3 Peserta yang Layak bersetuju dan memberikan keizinan kepada PBB dan PIBB untuk memproses, mengumpul, menggunakan dan menyimpan semua maklumat Peserta yang Layak yang diberi dalam borang kiriman wang tersebut bagi tujuan Kempen ini.
- 4.4 PBB dan PIBB tidak akan bertanggungjawab mahupun menerima apa-apa liabiliti dalam apa juga bentuk dan walau bagaimana sekali pun yang timbul atau dialami oleh Peserta yang Layak dan/atau pihak ketiga disebabkan secara langsung atau tidak langsung daripada Kempen ini kecuali disebabkan oleh kecuaiian atau salah laku yang disengajakan oleh PBB dan/atau PIBB secara khusus berkaitan dengan Kempen ini.
- 4.5 PBB dan PIBB tidak akan dipertanggungjawabkan bagi apa-apa salah tafsiran atau salah gambaran fakta oleh pihak ketiga yang tidak dibenarkan berkaitan dengan Kempen ini yang ditawarkan dan/atau disiarkan dalam mana-mana media massa, bahan pemasaran atau pengiklanan.
- 4.6 Sejauh mana dibenarkan oleh undang-undang, PBB dan PIBB secara nyata mengecualikan dan menolak apa-apa representasi, waranti atau pengesahan, secara nyata atau tersirat, bertulis atau lisan, tanpa pengehadan terhadap apa-apa yang diterbitkan dalam media massa, bahan pemasaran atau pengiklanan, berkaitan dengan Kempen ini.
- 4.7 Sekiranya terdapat ketidakseragaman antara Terma dan Syarat ini dengan apa-apa pengiklanan, kempen, promosi, publisiti dan bahan lain berkenaan atau berkaitan dengan Kempen ini, Terma dan Syarat ini akan diterima pakai.
- 4.8 PBB dan PIBB berhak untuk:
 - a) membuat penambahan, memotong atau mengubah Terma dan Syarat ini, dari semasa ke semasa, sepenuhnya dan sebahagiannya, dengan memberi notis awal selama dua puluh satu (21) hari kalendar terlebih dahulu kepada Peserta yang Layak melalui penulisan dalam laman web PBB / PIBB, mempamerkan notis di cawangan PBB / PIBB atau apa-apa kaedah lain yang akan ditentukan oleh PBB / PIBB dari semasa ke semasa dan pindaan Terma dan Syarat tersebut akan diterima pakai bagi apa-apa peruntukan atau representasi yang terkandung dalam apa-apa bahan promosi yang mengiklankan Kempen ini;

b) membatalkan, menarik balik, menggantung, atau menamatkan Kempen ini sebelum Kempen ini tamat, sepenuhnya atau sebahagiannya, dengan memberi notis awal selama dua puluh satu (21) hari kalendar terlebih dahulu kepada Peserta yang Layak melalui penulisan dalam laman web PBB / PIBB, mempamerkan notis di cawangan PBB / PIBB atau apa-apa kaedah lain yang akan ditentukan oleh PBB / PIBB dari semasa ke semasa. Bagi mengelakkan keraguan, apa-apa pembatalan, penarikan balik, penggantungan, atau penamatan Kempen ini tidak akan melayakkan Peserta yang Layak untuk apa-apa tuntutan atau ganti rugi terhadap PBB / PIBB bagi mana-mana dan semua kerugian atau ganti rugi yang ditanggung atau dialami oleh Peserta yang Layak sama ada secara langsung atau tidak langsung berikutan pembatalan, penarikan balik, penggantungan atau penamatan tersebut.

4.9 Terma dan Syarat ini akan dikawal dan ditafsir menurut undang-undang Malaysia dan Peserta yang Layak bersetuju untuk mematuhi bidang kuasa bukan eksklusif mahkamah di Malaysia.

4.10 Peserta yang Layak boleh membaca Notis Privasi PBB dan/atau PIBB yang menyatakan bagaimana PBB dan/atau PIBB menggunakan maklumat Peserta yang Layak melalui laman web PBB dan/atau PIBB atau di mana-mana cawangan PBB dan/atau PIBB.

Ruang Selebihnya pada Muka Surat ini Sengaja Dibiarkan Kosong
